

1 Odolké zamaniénde o Tibérius, o thagár, isí deš-u-panš beršá bešélas pe thagaribnáste. Ándo Džutnipé Pontius Pilatus Valí sas, o Heródos tetrárxos sas ándi Galiléa, o Philípos, o phral lésoro, tetrárxos sas ándi Ituréa, thai ándo them Traxonítis, thai Lusánias tetrárxos ándi Abilína.

2 O Hánnas thai o Káifas siné baré rašajá : hékje aló o aláv e Devlésoro ko Ivános, ko čhavó e Zaxarjésoro, ándo pústo than.

3 Aló ándo tsálo them turjál i len Jórdan, e bolipnástar vakerindós, kai si o bolipé mištó, ta te bašladíndjoen o bezexá, ta te prostíndjoen.

4 Sar si pišimé ándo ketápi, káte četíndjoen o alavá Isaiáskoro, e Devléskere manušésoro : Jek glas, jek sözi, te vikínel ándo pústo than : Te hazírladínen o drom e gospódsoro, právo, phuterdó te kerén o drom lésoro.